

2 San Pedro

Jesu yaräre gojabeoñumi daja Pedro

1 ¹Yũhũ Simo Pedro Jesucristo ãgu buhedore ãgu apidiguã ãhraa. Eropiguã ãgu pohro majaguã ta ãhraa. Eropiguã mũare gojabeoa yũhũ. Goãmũ marire taudiguã Jesucristo mera marire áripehreräre diaye iiguã ãhrimi. Eropa iiguã áriiguã Cristore umupeocũ, ãgu yarã wacũ iimi mũare. Eropa warã mũa sã gũa iro dopa ta ãgu yarã ãhraa. Mari yujuro mera ãgu yarã áriräre mũare gojabeoa. ²Eropirã Goãmũ sãre mari Opũ Jesucristo sãre masinemorã ãgu mahiri mera õaro árirãca mũa. Eropa õaro mũa áriõoro dopa mũare serẽbasaa Goãmũre yũhũ. Eropa arĩguã mũare õadorea.

Õpa ãhrima Cristo yarã, arĩ gojañumi Pedro

³⁻⁴ ãgu yarã árimorãre Cristo marire aĩdiguã árimi. ãgu eropa aĩcũ peerã, ãgure yũhribuã mari. Eropa yũhrirã Jesucristo õaguã, õarirepa ta ãgu yarã ãhraa. Mari yujuro mera ãgu yarã árirã iimasiguã áriõo dopa ta mari sã ãgu iro dopa ta árimasia. Eropa Goãmũre mari masinemorã, ãgu turari mera ãgu gamero dopa ta õarã árirãca. ãgu ãhrimi ãgu yarã árimorãre marire aĩdiguã. Óaguã õarire iimasipehogũ ãgu áriõo dopa ta marire áripehreräre aĩdiguã árimi. Eropa ta iri ãgu turari mera marire õatariario wahabuã. “Õpa ta mũare õaro iigũra,” ãgu arĩdiro dopa ta marire õatariario iimi ãgu. Marire ãgu eropiicũ i yeba maja ñerire mari ñaribejarire mari duhucãa. Iri ñeripuã marire goroweotariaca. Eropirã ãgure yũhrirã árirã Goãmũ ãgu áriõo dopa dujarãca mari. ⁵Eropirã Cristore umupeorã árituhaa mũa. Eropirã ãgu turarire oparã õpa iinemoque daja: Óarã áriõque mũa. Eropa õarã árirã õaro pee masirã áriõque mũa. ⁶Eropa pee masirã árirã ñerire iidiaquererã ta Goãmũ ãgu gameripũre iiniguicãrã áriõque. Eropa iirã Cristo yarã mũa áriõo dipuwaja gajirã mũare ñero iiquerecũ ta eropa yujuro bojeniguicãque mũa. Eropa yujuro bojerã Goãmũre umupeorã, ãgu gamerire iirã áriõque mũa. ⁷Eropa iirã mũa mera majarãre mahi umupeoque. Erãre õaro itamurã áriõque. Eropa iirã áripehrerã gajirã sãre mahi umupeoque.

⁸Mũa eropa iinemocũpũre õataria. Mũa eropa iinemorã, õaro iirã árirãca. Eropirã mari Opũ Jesucristore õaro guñaturarã ãgu gamerire õaro iiniguirã árirãca

mua. Bu árĩrire iisome. ⁹Mua eropa iinemobirã Goãmũ yare ne masibirigohraboya mua. Eropirã Cristo mua ñeri iirare ïgu coerare ne guñabiriboya mua. Eropa ta cãdijicãdiaboya mua. ¹⁰Eropirã yũ acawererã, Goãmũ yarã árĩmorãre mũare ïgu árĩdorecũ yũhrinirã árĩbu mua. Eropa yũhrirã árĩrã, ïgu yare guña duhudiabirã ïgu gamerire turaro eropa iiniguicãque. Mua eropa iirã diaye ta Goãmũ mera árĩrãca mua. Eropirã diaye ta ïgu beyenirã árĩrãca mua. Eropirã ñerire iiniguirã árĩsome. ¹¹Mua eropa ïgu gamero dopa ta iirã árĩrã mari Opũ marire taudigu Jesucristo ïgu árĩrogue òaro warãca mua. Diaye ta ïgu yarã mua árĩcũ ïagu “Òaro mera yũ mera árĩque mua,” arĩgũcumi Jesu mũare.

¹²Eropigu mũare ire eropa guñaniguicũ iigũra. I mũare yũ wererare masituhabu mua. Eropa masirã Goãmũ yare mua peediro dopa ta òaro iirã iiaa mua. Eropa iirã mua árĩquerecũ ta i mũare yũ wererare eropa guñanemocũ werenemogũra. ¹³⁻¹⁴“Merogã duhyaa mũ sĩrìboro,” arĩ weremĩ yũre mari Opũ Jesucristo. Eropigu ojocarinigũ ire yũ mũare wererare eropa guñaniguicãcũ iiniguigũra. Yũ eropa iicũ òapũrica. ¹⁵Eropigu i yũ were gojara mũare gojapìpehogũra yũ sĩrira pũhrũ mua òaro masìboro dopa. Eropirã i yũ wererare eropa guñaniguirãca mua.

Cristo ïgu turagu árĩricũre ïabu yũhu, arĩ gojañumi Pedro

¹⁶Eropirã mari Opũ Jesucristo ïgu turari sãre, ïgu dujariboro sãre mũare wererã, gũa gamero gũa arĩ bocarire wererã iibiribũ. Turagu ïgu árĩrire gũa basi ta ïabu. ¹⁷Cristo ïgu turatariagu ïgu árĩrire gũare ïhmumi Goãmũ mari Pagũ. ïgu eropa ïhmucũ Cristo òaro gosesiricũ ïabu. ïgu eropa gosesiricũ òpa arĩro caribũ: “Ihĩ yũ magũ yũ mahigu àhrimi. ïgu mera òaro mucubiria,” arĩro caribũ gũa peecũ. ¹⁸Umãrogue eropa arĩro caricũ peebu gũa. Utãgu wecague Goãmũ yagu utãgu wecague Cristo mera ejarã eroparicũ peebu gũa irire.

¹⁹Irire ïanirã árĩrã, Goãmũ yare weremũhtanirã iribojegue majarã erã gojara diaye árĩcũ òaro masia gũa. Erã gojarare mua òaro buheniguirã òaro iirã iica mua. Iri erã gojara mũare sihãgodiru iro dopa àhraa. Naitĩaroguerẽ òaro sihãgodiru mera mari ïhamasiro dopa ta erã gojarapũ marire Goãmũ yare òaro masicũ iiaa. Eropirã ïgu yare eropa buheniguique ne ïgu Jesucristo dujaricũgue. Jesucristo dujaricũ ïgu yare masipehorãca mari pare. ²⁰⁻²¹Yũ werediro tauro ipũre òaro masique mua: Iribojegue majarã òarã Goãmũ yare erã weremũhtarã erã guñabocarire wereniguibiriñuma. Espĩritu Santopũ erã Goãmũ yare wereniguiburire erãre masicũ iĩñumi. Eropirã mari erã wereniguiri gojarare buherã mari pepiri mera irire buherã “Òpa arĩro iica,” arĩmasibirica. Espĩritu Santo ïgu itamuri mera mari masia.

Goãmũ yare diaye buhebirãre were gojañumi Pedro

2 ¹Iribojegue mari acawererã judio masa mera majarã gajirã “Goãmũ yare weremũhtarã àhraa,” arĩ gũyamũriñuma. Erã iidiro dopa ta dohpague sãre mua mera majarãre eropa ta arĩ gũyarã árĩrãcoma. Erã diaye Goãmũ yare

buherã arî buheboro dopa ta guyaripure buherãcoma. Eropa buherã Cristo yapure goroweorãcoma. Eropa iirã Cristo erã ya dipuwajare sîrivasadigure guñabirãcoma. Eropirã ïgure “Gua Opu àhrimi,” arî ne pepisome. Iri áripehrerire erã eropa iira dipuwajare mata Goãmũ erãre peamegue wadoregucumi. ²Eropa erã guya buhecũ peerã erã, erã ñerire ùaribejaro dopa ta bajarã masa erãre ïhacũ ñero iirãcoma. Erã ñero iicũ ïha gajirã Jesucristo yare diaye majare ñero wereniguirãcoma. ³Eropirã erã guyaricurã niyerure waja gamerã guyari buherire buherãcoma mũare. Eropa buhera dipuwaja Goãmũ erãre peamegue wadoregucumi. Iribojegue ta eropa iinirãre dipuwaja moadoretuhañumi ïgu.

⁴Eropa ta iribojegue dipuwaja moadoreñumi ñerã anyua sãre. Erãre peamegue peresu iinũmi. Eropa iigu i umũ pehrerinũ áricũ erãre dipuwaja moagucumi. ⁵Eropa ta iribojegue majarãre Goãmũre gamebirinirãre dipuwaja moañumi ïgu. Eropigu áripehrero i yebare miugu, áripehrerã ñerã masare miu wejêpohocãñumi. Noé dihtare gajirã siete masa mera tauñumi. Noépũ irisubu majarãre Goãmũ yare òarire buhemuririñumi. ⁶Eropa ta Sodoma waicuri maca majarãre Gomorra waicuri maca majarã sãre Goãmũ dipuwaja moañumi. Iri macarire pa iinirãre dipuwaja moadoretupeame mera òaro soepohocãñumi. Eropigu pũhrũgue árimorãre ïgure gamebirinirãre ïgu dipuwaja moaborore ïhmugũ iinũmi. Ñerãre ïgu dipuwaja moaborore ïhmugũ iinũmi “Gũiporo,” arïgu. ⁷Eropigu Lote waicũgure tauñumi. Lotepũ òagu áriñumi. Eropa árigu árigu Sodoma majarã Goãmũ dorerire tarinũgarã ñetariaro erã iicũ ïagu gariborea wañumi. Eropigu umã erã basi erã ñero iicũ ïagu gariboretaria wañumi ïgu. ⁸Ïgu òagu ñerã watope áriñumi. Eropigu umuri nũcu ñetariaro erã iicũ ïagu ñero erã werenigucũ peegu ñero siporãcũñumi. ⁹Ïgure Goãmũ taucũ ïarã ire masia mari. Goãmũ mari Opu marire ïgure gamerãre mari ñerã watope áricũ marire taugucumi mari ñero iibiriboro dopa. Eropigu ñerãpũre erã ñero iira dipuwajacurã áricũ apigucumi. Pehrerinũ áricũguere erãre dipuwaja moagucumi.

¹⁰Ñerire turaro ùaribejarã Goãmũ dorerire tarinũgarã erã tamerare ñero dipuwaja moagucumi ïgu. Oã mũa mera majarãre guya buherã ñeri ùaribejarire iirã ne mari Opure umupeobeama. “Gajirãre mari tarinũgaa,” arî pepirã àhrima erã. Eropa arirã erã deyobirãre umaro majarãre, ñerã turarãre ne gũlbirã ñero arî wereyama erãre. Erãpũre tauro dipuwaja moagucumi Goãmũ. ¹¹Goãmũ yarã anyuapũ ne erã iiro dopa iibeama. Erã tauro turarã àhrima. Eropa turarã áriquererã ta erã ne wereyari mera umaro majarãre ñerã turarãre “Peamegue waporu,” arî weresãbeama mari Opure.

¹²Erã guya buherãpũ nũgu majarã waimurã iro dopa pee masibirã àhrima. Erã gamero dopa ta iima erã. Eropirã erã masibirirare wereya ñero arî werenigucorema. Eropa iirã erã áricũ waimurãre mari wejêro dopa ta Goãmũ erãre peamegue cóagucumi. ¹³Eropigu erã ñero iira dipuwaja dipuwaja moagucumi Goãmũ. Erã ñerire ùaribejataricãma. Eropirã ñerire ñero iinigucãma. Mũa mera bosenu iiquererã iri bosenu iri ñerire iidiana. Erã eropiirã gũhyasiricũ iima erã querecurã árirã.

¹⁴Eropirã nomere ñarã ñeadiama erã. Eropirã ñerire eropa iiniguidiama. Goãmu yare dabero masinugarãre ñerire iidorerã, eropa ártirãre erã ñhacũcũ iima. Eropirã erã seyaro gajinore, niyeru sãre gũya emamehrerã áhrima. Eropirã erã Goãmu ñgu dipuwaja moamorã áhrima. ¹⁵Erã diaye majare duhu Balaam ñgu iidiro dopa iirã iima. Balaam muru Beor muru magu ártĩũmi. ñgu iribojegue ñgu ñeri iiri mera niyerure wajatadiariũmi. ¹⁶Ñgu eropa ñgu wacũ ñgu burropũ ñgure turiũmi. ñgu burro wereniguimasibigu ñgu ártiquerẽcũ ta Goãmu ñgure wereniguicũ iĩũmi. ñgu eropa wereniguicũ peegu Balaam turaro ñgu ñeri iidiarare duhucãũmi.

¹⁷Erã gũyaricũrã mau dipague deco mariro iro dopa áhrima. Deco mariri mauri dipari iri duhpiburi ártĩbiriro dopa ta erã gũyaricũrã ne duhpimorã ártibeama. Eropirã imica cururi miruñe weãbeori cururi gohrotoro dopa ta erã gũyaricũrã sã erã wereniguirire gohrotoniguima. Eropigu naitãarogue erã warore amutuhapũ Goãmu erogue erãre dipuwaja moabu. ¹⁸Erã gũyaricũrã erã wereniguiri duhpiburi gohra ártibeaa. Masirã iro dopa masare eropa buhemaacãma. Ñpa arĩ buhema erã: “Mari gamero dopa ta mari iicũ ñapũrica,” arĩ buherima erã. Erã eropa arĩ buhecũ masa peerã, erã ñaribejarire iidiarã erã ya buherire gahmema. Gajirã masa Goãmure ne umupeonugarã erã gũyaricũre peerã áhrima. Erã ñerire erã duhura pũhrũgã erã gũyarire peenũgama daja. Eropa peerã Goãmu yapure erã peeborapure peebeama daja. Ñeripure gohrotoma daja Goãmu yarã ártĩbonirã. ¹⁹Erãre ñpa arĩ buhema gũyarã: “Mari iidiaro dopa ta mari iimasia,” arĩrima erã. Erã eropa arĩ buhequerecũ ta erã arĩdiro dopa wabeaa erãre. Ñaripure iidiaquererã iimasibeama. Ñerire yoari boje duhudiabirã, pũhrũ irire duhudiaquererã duhumasibeama. Iri ñeri erãre dorea. Erã ñeri ñaribejari erãre dorea. Eropiro yujugure ñeripũ tarinũgacũ ñgũpũre ñerire duhumasiya mara. ²⁰Mari Opũ Jesucristore marire taugure ne masinugarã i yeba maja ñerire duhucãma. Erã eropa duhura pũhrũ dipaturi ñerire gohrotorã daja, ñero gohra dujaboũma erã. Cristore erã masiboro core erã ártĩmũhtadiro tauro ñetariaro dujama pare dipaturi ñerire gohrotorã daja. ²¹Eropa ñero dujarã õari buheripure erã ne masinũgabiricũ õatariaboya erãre. Erã Goãmu dorerire masira pũhrũ irire cõãñirã ñetariaro dujarãcoma. ²²Eropirã dipaturi ñerire gohrotorã, masa nũcu erã ñpa arĩ wereniguidiro dopa ta iirã iima erã. “Diaye etocapi ñgu etocapirare dipaturi ñgu basi ta bahami daja. Eropigu yese ñgure guhbura pũhrũ dipaturi ñgu ñeri tarague oyami daja,” arĩ wereniguima masa. Eropa ta iima õarire ne gamenũgarã dipaturi ñerire gohrotorã daja.

Cristo ñgu i yeba ñgu dujariborore were gojañumi Pedro

3 ¹Yũ mahirã, mũare yujupũ gojabeotuhabũ. Eropigu ipũre daja dohpaguere mũare gojabeogu iiaa. Eropigu mũare pesubu gojabeogu i ártĩpħerire guñacũ iidiaqu iiaa õari dihtare mũa iiboro dopa. ²Irire guñaque mũa: Iribojegue majarã õarã Goãmu yare weremũhtanirã erã were gojarare guñaque. Eropirã mari Opũ marire taugũ Cristo ñgu doreri sãre guñaque. Iri dorerire gũa ñgu apinirã mũare buheabũ.

³⁻⁴Eropirã negohrare ire guñamũtaque: Pehrerinũ coregãgue Goãmũ yare wereyarã áriřãcoma. Erã ñerire ıaribejaniguirã áriřãcoma. Opa arĩ wereyarãcoma: “Cristo dujarigura, ıgu arĩqueregu ne dujarisome. ıDujaridiaqueregu duhpigu ne deyobeari ıgu? I yeba áriñugara pũhrũ mari ñecũ sumarã mũra erã sĩrira pũhrũ áripehrero mũraro ta áriñiguia. Eropigu i yebague dujaribu ne ımaroguere marimi,” arĩ wereyarã áriřãcoma. ⁵Eropa arĩ wereyarã ipũre ne guñadiabeama erã: Iribojeguere Goãmũ ıgu dorediro mera i yebare ımũsi sãre ihacũnuguũumi. Eropa ihacũnugugu deco mera i yebare iĩũumi. Eropigu i yeba deco mera árićũ iĩũumi. ⁶ıgu eropiira pũhrũ i yebare miũũumi. Miugu i yeba maja dederepehrecũ iĩũumi. ⁷Eropigu ıgu ta ımũsire, i yeba sãre dipaturi dederepehrecũ iigucumi ıgu. Peame mera dederećũ iigucumi. Dohpague ıgu ıgu dorero mera i yebare ımũsi sãre áriñigicũ iimi dohpa. Eropigu coregu iimi pũhrũ áripehrerore soebu. Eropa coregu iimi Goãmũ ıgũre gamebirãre dipuwaja moabu. Eropigu ıgu beyerinũ árićũ soepehocãgucumi. Irisubu erã ñerãre dedeogucumi.

⁸Yũ mahirã, ipũre guñaque mũa: “Yoatariari boje ãhraa,” mari arĩ pepiquerecũ ta, mil bojori yujunũ iro dopa ta ãhraa Goãmũ ıgu ıacũpũre. ⁹“Goãmũ ıgu arĩdiro dopa ta ne yojaro mera iibeami,” arĩma masa. Eropa áriřbeaa. Masare õaro iidiagu corenięũ iimi. Ne yujugu masũre peamegue cõadiabeami ıgu. Eropigu áripehrerã erã ñeri iirire bũjawerecũ, ñerire ii duhucũ corenimi ıgu dohpa.

¹⁰Ñamigue yajari bũgu, ıgu guñaña mariro yajagu ñajariro dopa ta Cristo i yebaguere guñaña mariro arigucumi. ıgu aricũ ımũsi maja pehrea waroca turaro busũro mera. ıjũpehrea waroca. I yeba maja sã ıjũpehrea waroca.

¹¹“I áripehreri pehrea waroca,” Goãmũ ıgu eroparicũ peerã ñerire duhu, Goãmũ gameripũre iirã áriřo gahmea marire. ¹²Mari Opu i yebague ıgu dujariborore mũa corerã áriřã yojaro mera ıgu aricũ iique mũa. Irinũre ımũsi maja ıjũpehrea waroca. ¹³Eropa guhyaro watope ádopa maripu Goãmũ ıgu arĩ apidiro dopa ta áripehrerire ıgu gohrotoburire cohre mucubiriyua mari. Áripehreri iri ıjũra pũhrũ opa áriřoca: ımũsi i yeba sã gaji dihta áriřoca. Eropirã irisubuguere õari dihtare iirãcoma áripehrerã. Irire ta cohrea mari.

¹⁴Eropirã yũ mahirã, mari Opu ıgu dujariborore corerã Goãmũ ıgu ıarore ñeri marirã, ñerire iibirã áriřque mũa. Eropirã Goãmũre ıadiabirã áriřiricãque mũa. Eropirã Goãmũ mera õaro áriřque. ¹⁵Eropirã yoañariri boje ıgu deyobiricũ ıarã opa masique mũa. Masa erã ñerire bũjawerecũ corenięũ iimi dohpa Goãmũ erãre tauborore. Eropa ta arĩ mũare gojabeodigu áriři mari mahigu mari acaweregu Pablo. Goãmũ masiri mera irire gojabeodigu áriři ıgu. ¹⁶Eropa dilta arĩ gojabeodi áriři Pablo ıgu gojabeora nũcu. Cristo ıgu dujariborore, ñerire iibirã mari áriřoro sãre weregu opa dilta arĩ gojabeodigu áriři ıgu. Yujuyerisuburi diasarire were gojabeodigu áriři. Gajirã ne masibirã, pee masibirã gũyari mera ıgu eropa arĩrare gohrotomũrima. Eropirã ıgu eropa werera áriřquerecũ ta gajiropa arĩ gohroto werecãma erã. Goãmũ yare erã gojarapũgue gaji sãre eropa ta iima erã. Erã eropiicũ ıagu Goãmũ erãre dipuwaja moagu peamegue cõãgucumi.

¹⁷Yũ acawererã, yũ mahirã, i árĩpehrerire i eropa waboro core weretuhabũ mũare. Eropirã ire masirã õaro iique mũa. Ñerã mũare erã gajiropa arĩ buhecũ, peeigũ árĩmi. Gajirã ne masibirã, pee masibirã gũyari mera ãgũ eropa arĩrare gohrotomũrbiricãque erãre Cristo yare duhuri arĩrã. ¹⁸Eropa duhubirã mari Opũre marire taudigũre Cristore õaro umupeonemoque mũarũ. ãgũre õaro masinemoque. Árĩpehrerinũri ãgũre õaro umupeorã mari. “Õagũ turagũ ãhrimi,” arĩrã mari ãgũre. Eropa ta arĩrã. Iripẽta ãhraa.